



Na osnovu člana 24. stav (3) Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine, broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Kantona Središnja Bosna/Srednjobosanskog kantona”, broj: 7/11) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine ("Službene novine Federacije BiH", broj: 13/19), a na zahtjev Ministarstva financija Kantona Središnja Bosna, Agencija za državnu službu Federacije Bosne i Hercegovine, objavljuje

## **JAVNI KONKURS** **za popunu radnih mjesta državnih službenika u** **Ministarstvu financija Kantona Središnja Bosna**

### **Radna mjesta:**

- 01. Proračunski inspektor** - 1 (jedan) izvršitelj
- 02. Stručni savjetnik za računovodstvo - koordinator s operativnim centrima** - 1 (jedan) izvršitelj

**01. Opis poslova:** obavlja poslove nadzora i kontrole finansijskih i računovodstvenih dokumenata proračunskih korisnika, izvanproračunskih fondova, pravnih i fizičkih osoba korisnika sredstava iz proračuna, u skladu s važećim zakonima i podzakonskim aktima, propisanim procedurama i pravilima o provođenju proračunskog nadzora; vrši finansijsku kontrolu osnovanosti i dokumentiranosti trošenja proračunom odobrenih sredstava u tekućoj proračunskoj godini, a po nalogu Ministra i u prethodnim godinama; vrši kontrolu ostvarenja i trošenja prihoda iz nadležnosti proračunskih korisnika te poduzima sve potrebne mjere u cilju sprečavanja nastupanja štetnih posljedica zbog nepravilne primjene zakona i drugih propisa čije se izvršenje kontrolira; vodi upravni postupak u poslovima proračunskog nadzora; proračunski nadzor provodi sukladno važećim zakonima i podzakonskim aktima kojima je propisan postupak i način vršenja proračunskog nadzora, a u skladu s usvojenim procedurama o provođenju proračunskog nadzora; sudjeluje u izradi Godišnjeg programa rada Ministarstva financija u dijelu koji se odnosi na proračunski nadzor; obavlja i druge poslove iz svoje mjerodavnosti po nalogu ministra.

**02. Opis poslova:** koordinira sa operativnim centrima u cilju točnosti i pravilnosti knjiženja; obrađuje podatke iz Glavne knjige Riznice; obavlja kontrolu poslovnih promjena; usklađuje stanje po svim obvezama i potraživanjima radi provjere realnosti knjiženja; priprema i izrađuje periodične i godišnji obračun; izrađuje i ovjerava konsolidirana izvješća proračunskih korisnika; izrađuje konsolidirana izvješća općina i izvanproračunskih fondova; vodi evidenciju (registar) koncesijskih ugovora i resorna ministarstva – davatelje koncesija izvješćuje o stanju uplata koncesijske naknade; obavlja i druge najsloženije poslove iz djelokruga radnog mjesta po nalogu šefa Odsjeka, pomoćnika ministra i ministra.

**Kandidati moraju ispunjavati opće uvjete iz člana 25. Zakona o državnoj službi u Federaciji Bosne i Hercegovine:**

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uvjet za njihovo obavljanje u organima državne službe u Federaciji Bosne i Hercegovine;
4. da je zdravstveno sposoban/a za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta lice nije otpušteno iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

**Pored općih uvjeta navedenih u javnom konkursu, kandidati moraju ispunjavati i sljedeće posebne uvjete:**

**Radno mjesto 01.**

- VSS - VII stupanj stručne spreme – ekonomski fakultet, odnosno visoko obrazovanje prvog ciklusa Bolonjskog sustava studiranja koji se vrednuje s najmanje 240 ECTS bodova ili drugog ili trećeg ciklusa Bolonjskog sustava studiranja ekonomske struke,
- najmanje 3 (tri) godine radnog staža u struci nakon stjecanja VSS, odnosno visokog obrazovanja,
- poznavanje rada na računaru.

**Radno mjesto 02.**

- VSS - VII stupanj stručne spreme – ekonomski fakultet, odnosno visoko obrazovanje prvog ciklusa Bolonjskog sustava studiranja koji se vrednuje s najmanje 240 ECTS bodova ili drugog ili trećeg ciklusa Bolonjskog sustava studiranja ekonomske struke,
- najmanje 3 (tri) godine radnog staža u struci nakon stjecanja VSS, odnosno visokog obrazovanja,
- položen ispit za certificiranog računovođu (kandidati su dužni u prijavnim obrascu u rubrici „Ispit profesionalne nadogradnje“ u dijelu koji se odnosi na „Posebne ispite tražene javnim konkursom“ navesti broj i datum certifikata za certificiranog računovođu),
- znanje i vještina rada na računaru.

**Prijavljivanje-potrebni dokumenti:**

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Službe za postavljenja u organima državne službe u Zeničko-dobojskom kantonu ili na web stranici Agencije [www.adsfbih.gov.ba](http://www.adsfbih.gov.ba)).
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom [Obrascu uvjerenja](#) (može se preuzeti u prostorijama Službe za

postavljenja u organima državne službe u Zeničko-dobojskom kantonu ili na web stranici Agencije [www.adsfbih.gov.ba](http://www.adsfbih.gov.ba)).

#### **NAPOMENE ZA KANDIDATE:**

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, [www.adsfbih.gov.ba](http://www.adsfbih.gov.ba). Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od dalje konkursne procedure.

Kandidate, koji polože stručni ispit (pismeni i intervju), Agencija će pisano obavijestiti o vremenu i načinu dostavljanja dokaza o ispunjavanju uvjeta javnog konkursa.

Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.

Agencija može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uvjeta javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno sa dostavom dokaza o ispunjavanju uvjeta javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uvjete javnog konkursa sa danom njegove objave u „Službenim novinama Federacije BiH”, neovisno od toga kada su dokazi dostavljeni.

Kandidat koji u bilo čemu ne postupi po navodima javnog konkursa bit će isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH”, putem pošte, preporučeno na adresu:

**Agencija za državnu službu Federacije BiH**  
**Služba za postavljenja u organima državne službe u Zeničko-dobojskom**  
**kantonu**  
**Kučukovići broj 2, 72000 Zenica**  
**sa naznakom:**  
**“Javni konkurs za popunu radnih mjesta državnih službenika**  
**u Ministarstvu financija Kantona Središnja Bosna,**  
**sa pozivom na broj: 09-30-8-16/23“**

**DIREKTOR**

**Refik Begić, magistar uprave**